

**ՀՀ ՎԱՅՈՑ ՁՈՐԻ ՄԱՐԶՊԵՏ ՀԱՐՈՒԹՅՈՒՆ ՍԱՐԳՍՅԱՆԻ՝ ԶԻՆԱՍՏԱՆԻ
ԺՈՂՈՎՐԴԱԿԱՆ ՀԱՆՐՊԵՏՈՒԹՅՈՒՆ ԿԱՏԱՐԱԾ ԳՈՐԾՈՒՂՄԱՆ
ԱՐԴՅՈՒՆՔՆԵՐԻ ՄԱՍԻՆ**

1. Գործուղման վայրը և ժամկետները

Զինաստանի Ժողովրդական Հանրապետություն, 2-13 նոյեմբերի, 2016թ.

2. Հրավիրող կողմը

ԶԺՀ կոմունիստական կուսակցություն

3. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)

ԶԺՀ իշխող կոմունիստական կուսակցության և ՀՀ իշխող Հանրապետական կուսակցության միջև համագործակցության ընդլայնում և խորացում, օրենսդիր և գործադիր մարիմիների ներկայացուցիչների հանդիպումներ և այդ հանդիպումների արդյունքում համագործակցության հաստատում, այցելություն Չինաստանի նահանգներ, ծանոթություն մարզերի զարգացման ուղղությունների և ծրագրի հետ, մարզային մակարդակում համագործակցության հաստատում:

4. Քննարկված թեմաները

Հանդիպումների ընթացքում կողմերը միմյանց ներկայացրել են երկու կուսակցություններում տեղի ունեցող զարգացումները, առաջիկա ծրագրերը և համագործակցության ակնկալիքները, երկու երկրների ներքաղաքական և արտաքին քաղաքական զարգացումները, դրանց ազդեցությունը երկու երկրների փոխհամագործակցության վրա, այն գերակայությունները, որոնց շրջանակներում կառուցվելու են երկկողմ, և բազմակողմ հարաբերությունները՝ տարածաշրջանային և միջազգային մակարդակներում: Անդրադարձ է կատարվել երկու երկրների բարձրաստիճան պաշտոնյաների փոխայցելություններին, դրանց ընթացքում ձեռք բերված պայմանավորվածությունների իրականացման ընթացքին, ինչպես նաև երկու կուսակցությունների միջև համագործակցության նոր փուլ սկսելու հարցերին: Քննարկվել են Հայաստանի և Չինաստանի միջև մարզային և քաղաքային մակարդակներում համագործակցության հաստատման և ընդլայնման հեռանկարները:

5. Հանդիպումները, ելույթները, բարձրացված կամ քննարկված հարցերը

Այցի ընթացքում ՀՀԿ պատվիրակությունը եղել է Պեկին, Նանկին քաղաքներում, Անհոյ մարզում և հանդիպումներ է ունեցել ԶԺՀ կոմունիստական կուսակցության կենտրոնական կոմիտեի գաղափարական բաժնի, արտաքին կապերի բարձրաստիճան պաշտոնյաների, Նանկին քաղաքի ղեկավարության, Անհոյ նահանգի ղեկավարության, այդ նահանգի մի շարք

քաղաքների ղեկավարների հետ: Մասնավորապես, Անհոյ նահանգում տեղի ունեցած հանդիպումների ընթացքում քննարկվել են ՀՀ Վայոց ձորի և Անհոյի նահանգի, ինչպես նաև երկու մարզերի քաղաքների միջև համագործակցության ծրագրերի մշակման և երկու երկրների կուսակցություններին ու կառավարություններին նշված ծրագրերի ներկայացման հետ կապված հարցեր:

6. Հանդիպման կամ հավաքի ժամանակ ընդունված որոշումները,

պայմանավորվածությունները, ստորագրված փաստաթղթերը

Մարզային հանդիպումների ընթացքում որոշում է կայացվել երկու երկրների կուսակցությունների ղեկավարությանը և կառավարությանը ներկայացնել առաջարկություններ ՀՀ Վայոց ձորի մարզի և ՉԺՀ Անհոյ նահանգի միջև համագործակցության ծրագրեր, հատկապես տուրիզմի, արդյունաբերության և գյուղատնտեսության ոլորտներում, ՀՀ Վայոց ձորի մարզի և Անհոյի նահանգի մեկ կամ երկու քաղաքներ հռչակել քույր քաղաքներ և հաստատել համագործակցություն քաղաքային մակարդակում: